



Dyma'r pecyn gwybodaeth ar gyfer swydd:

## **Cydlynnydd Ymgysylltu Cymunedol, Troed yn y Drws**

Mae'r wybodaeth ganlynol yn cael ei darparu i'ch cynorthwyo gyda'ch cais. Cewch fwy o wybodaeth am Ffilm Cymru fan yma:

[www.ffilmcymruwales.com](http://www.ffilmcymruwales.com)

### **Cynnwys**

<b>Amrywiaeth, Cynhwysiant a Chymorth Mynediad .....</b>	<b>2</b>
<b>Y Swydd.....</b>	<b>3</b>
<b>Ffilm Cymru Wales.....</b>	<b>7</b>
<b>Diagram Staffio'r Prosiect .....</b>	<b>9</b>

## Amrywiaeth, Cynhwysiant a Chymorth Mynediad

Credwn mewn sector sy'n gweithio i bawb ac mae gennym angerdd am ehangu mynediad i'r sector sgrin.

### Mynediad, Amrywiaeth a Chynhwysiant

Byddwn yn cynnig cyfweiliad awtomatig i bob ymgeisydd sy'n bodloni Meini Prawf Sylfaenol y rôl ac sy'n ystyried eu hunain yn Bobl o'r Mwyafrif Byd-eang, yn Ddu, Asiaidd neu o Leiafrif Ethnig, neu'n F/fyddar, yn drwm eu clyw, yn Anabl neu'n niwroamrywiol.

I ymgeiswyr sydd â gofynion mynediad, er enghraifft unigolion sy'n F/fyddar, trwm eu clyw, Anabl, niwroamrywiol, a phobl sydd wedi colli'u golwg, mae cymorth ar gael i gyflwyno cais.

Cysylltwch â ni i roi gwybod sut y gallwn helpu. Er enghraifft, gallwn dalu am gostau dehonglydd BSL ar gyfer cyfarfod gyda ni cyn gwneud cais, neu gymorth ysgrifennu i ymgeiswyr dyslecsig. Neu gallwn gytuno ar fformatau eraill i chi gyflwyno cais. Cawn ein harwain gennych chi.

Cysylltwch â Siobhan@ffilmcymruwales.com i drafod eich gofynion ymlaen llaw cyn cyflwyno cais.

### Rhannu Swydd a Gweithio Hyblyg

Rydym yn agored iawn i gynigion i rannu swydd a gweithio'n hyblyg. Rhowch fanylion eich cynnig i rannu swydd neu i weithio'n hyblyg yn eich llythyr eglurhaol, os yw'n berthnasol.



We stand in solidarity  
to say **NO** to racism  
and commit to a  
**#ZeroRacismWales**

**DO YOU?**

Sign our policy today.  
[www.zeroracismwales.co.uk](http://www.zeroracismwales.co.uk)

## Y Swydd

### Cydlynnydd Ymgysylltu Cymunedol, Troed yn y Drws

- Adran:** Datblygu, Cynhyrchu a Sgiliau
- Swydd:** Cydlynnydd Ymgysylltu Cymunedol, Amser Llawn, Cyfnod Penodol (posibilrwydd o rannu swydd)
- Yn adrodd i:** Arweinydd Partneriaeth
- Lleoliad:** Cymru. Sylfaen y Prosiect: Sir Casnewydd, gyda mynediad i swyddfa Ffilm Cymru yng Nghaerdydd. Cyfuniad o weithio o bell ac wyneb yn wyneb yw'r disgwyl.
- Dyddiadau'r cyfweiliadau:** 14eg, 15fed a'r 16eg Rhagfyr (cadarnhewch ar eich ffurflen gais os na allwch ddod i unrhyw un o'r dyddiadau hyn) a byddant yn cael eu cynnal ar-lein
- Cyfnod:** Ionawr 2022 – 30ain Mehefin 2022
- Cyflog:** £35,000 y flwyddyn pro rata a chyfnod penodol hyd 30ain Mehefin 2022, ynghyd â phensiwn a 28 diwrnod o wyliau yn ogystal a Gwyliau Cyhoeddus.
- Sut i wneud cais:** Anfonwch CV a llythyr eglurhaol i [footinthedoor@ffilmcymruwales.com](mailto:footinthedoor@ffilmcymruwales.com) yn amlinellu pryd rydych ar gael a'ch profiad a'ch sgiliau yn erbyn yr hyn sydd wedi'i amlinellu yn y fanyleb hon oni bai ein bod wedi cytuno ar fformat gwahanol i'r cais i gynorthwyo mynediad.
- Dyddiad cau:** Dydd Iau 9fed Rhagfyr am hanner dydd.

### Rôl y Cydlynnydd Ymgysylltu Cymunedol

Mae Ffilm Cymru yn edrych am weithiwr proffesiynol sydd wedi gweithio'n helaeth gyda sefydliadau cymunedol ac unigolion yng Nghasnewydd i ddatblygu a chynnal yr holl weithgareddau cymunedol ar brosiect Troed yn y Drws. Nod y rôl hon yw

sicrhau bod gweithgarwch prosiect Ffilm Cymru ar brosiect Cronfa Adfywio Cymunedol y DU yng Nghasnewydd yn cael ei gyflawni'n llwyddiannus.

Bydd y Cydlynnydd Ymgysylltu Cymunedol yn gweithio yn rhan o dîm y prosiect ac yn atebol i'r Arweinydd Partneriaeth, gan sicrhau bod grwpiau cymunedol ac unigolion yng Nghasnewydd yn elwa o weithgarwch y prosiect.

Bydd yn gweithio gydag amrywiaeth o sefydliadau partner, sefydliadau trydydd sector a grwpiau llawr gwlad i ddatblygu partneriaethau a sbarduno a hyrwyddo cyfleoedd yn y Diwydiannau Creadigol drwy ein partneriaid yn y diwydiant sgrin a thu hwnt.

Bydd hefyd yn cynorthwyo ein partneriaid yn y diwydiant sgrin a'n cymunedau i weithio'n gydlynol a rhannu arferion gorau er mwyn creu partneriaethau cynaliadwy.

### **Cyfrifoldebau Allowedly**

- Datblygu a chyflawni cynllun prosiect ymgysylltu cymunedol, gan adrodd ar y prosiect a'i dracio am y cyfnod o 6 mis.
- Rheoli'r berthynas â phartneriaid cymunedol ac unigolion priodol.
- Gweithio'n agos gyda'r Rheolwr Prosiect a'r Rheolwr Partneriaeth i osod targedau realistig a chyraeddadwy a dulliau adrodd cysylltiedig i ymgysylltu â grwpiau cymunedol ac unigolion.
- Cyfarfod a thrafod â diwydiant, grwpiau cymunedol ac unigolion i gyfathrebu nodau a chyfleoedd y prosiect.
- Trefnu digwyddiadau recriwtio hygyrch yng nghymuned Casnewydd, i ymgysylltu â hwy a'u hysbysu ynglŷn â phrosiect Troed yn y Drws a'i gyfleoedd.

- Recriwtio unigolion i'r prosiect yn ôl eu hanghenion a'u sgiliau a darparu cefnogaeth barhaus ochr yn ochr ag aelodau eraill y tîm.
- Gweithio gyda phartneriaid yn y diwydiant i gynorthwyo eu gwaith mewn cymunedau wrth iddynt recriwtio, a datblygu strategaeth a pholisi i weithio'n gynhwysol.
- Cynorthwyo partneriaid yn y diwydiant i ddatblygu cyfleoedd cynhwysol a hygyrch i gynorthwyo recriwtio.
- Adrodd a diweddarau'n rheolaidd yn ogystal ag adrodd anghenion y gymuned yn ôl i'r bartneriaeth a'r rheolwr prosiect.
- Datblygu a goruchwylio'r gwaith o gynnal Cronfa Ddata Gymunedol.
- Ar y cyd â thîm Troed yn y Drws, cyfrannu at y gwaith gyda gwerthuswr allanol i ystyried cyrhaeddiad ac effaith y rhaglen a fydd yn llywio dyfodol y rhaglen.
- Cyfrannu at ddylunio a datblygu cyfathrebiadau allanol a digwyddiadau i ledaenu gwybodaeth am y prosiect a'i lwyddiant.
- Hyrwyddo a chefnogi amrywiaeth a chynhwysiant mewn ffordd gyson, yn unol â'n Cynllun Gweithredu ar Gydraddoldeb, Amrywiaeth a Chynhwysiant.

### **Meini Prawf Sylfaenol y Rôl**

- Profiad blaenorol o gydlynu prosiectau ymgysylltu cymunedol.
- Y gallu i feddwl yn gyflym a rheoli heriau pan maent yn codi, gan weithio'n annibynnol a threfnus.
- Profiad y gellir ei ddangos o greu cynlluniau ymgysylltu a chyflawni ar brosiect sy'n mynd rhagddo'n gyflym.
- Cyfathrebwr da a fydd yn gallu cyfathrebu anghenion ac allbynnau cyflawni gyda phartneriaid prosiect mewnol ac allanol.

- Profiad o weithio gydag amrywiaeth o bartneriaid cymunedol a rhanddeiliaid cymunedol.
- Profiad o feithrin a chynnal perthynas â sefydliadau cymunedol, trydydd sector a llawr gwlad.
- Dealltwriaeth a gwerthfawrogiad o'r heriau a'r rhwystrau sy'n wynebu rhai sydd â diddordeb mewn ymuno â'r diwydiannau creadigol ac sy'n byw dan anfantais economaidd-gymdeithasol yng Nghymru.
- Ymrwymiad i egwyddorion amrywiaeth a chynhwysiant.
- Y gallu i ddefnyddio rhaglenni Microsoft Office, yn enwedig excel.

## Dymunol

- Profiad a dealltwriaeth o'r sector sgrin a'r celfyddydau yn ehangach
- Dealltwriaeth o addysg a hyfforddiant ar gyfer y sector sgrin
- Rhywfaint o ddealltwriaeth o gynhyrchu yn y sector sgrin yng Nghymru a'i bartneriaid allweddol
- Rhuglder yn y Gymraeg (yn ysgrifenedig ac ar lafar)

**Gweithgarwch prosiect Troed yn y Drws i'r dyfodol:** Hoffem roi gwybod i ddarpar ymgeiswyr mai ein huchelgais, sy'n ddibynnol ar gais llwyddiannus am gyllid a gaiff ei gyflwyno yn 2022, yw parhau i ehangu'r prosiect hwn am dair blynedd arall hyd 2025, ond nid ydym mewn sefyllfa i gadarnhau ar hyn o bryd.

Nodwch yn eich cais os hoffech chi hefyd gael eich ystyried ar gyfer swyddi sgiliau a hyfforddiant eraill a allai godi yn Ffilm Cymru o bryd i'w gilydd ac a ydych yn rhoi cydsyniad i ni barhau i gadw eich manylion, am ddwy flynedd, at y diben hwnnw.

I gael gwybodaeth am sut mae Ffilm Cymru yn prosesu data ymgeiswyr, gweler ein Polisi Preifatrwydd.

## **Ffilm Cymru Wales**

Ffilm Cymru yw'r asiantaeth ddatblygu ar gyfer ffilmiau yng Nghymru ac rydym wedi ymrwymo i hybu sector ffyniannus y gallwn oll fod yn falch o ddweud ei bod yn perthyn i ni. Dyma sut y gwnawn hyn:

- Gweithio gyda phartneriaid i hybu safle byd ffilm yng Nghymru a thu hwnt
- Creu amgylchedd lle gall ffyrdd o weithio sy'n fwy cynhwysol, arloesol a gwyrdd gael eu profi, eu hintegreiddio a'u rhannu
- Hwyluso i bobl o bob oedran a gallu ddysgu'n greadigol
- Datblygu gweithlu sgrin i'r dyfodol drwy amryw raglenni hyfforddiant
- Buddsoddi mewn ffilmiau anarferol a rhai sy'n cymryd risgiau a'u gwneuthurwyr o gam cynnar
- Cynnig profiadau sinematig cyffrous i gynulleidfaoedd ar hyd a lled Cymru
- 

Rydym yn rheoli arian y loteri genedlaethol ar ran Cyngor Celfyddydau Cymru a'r Sefydliad Ffilm Prydeinig, yn ogystal â chodi a rheoli arian pellach o Gronfa Adfywio Cymunedol y Deyrnas Unedig. Mae ein gwaith yn mapio'n agos i Raglen Lywodraethu Cymru, a Deddf Llesiant Cenedlaethau'r Dyfodol yn benodol, oherwydd y cymysgedd creadigol, economaidd a diwylliannol sydd i'n sector.

Sefydlwyd Ffilm Cymru yn 2006 ac mae'n Gwmni Buddiannau Cymunedol. Yn 2018 fe lansiom ein Cynllun Strategol 2018 - 2024, sydd i'w weld fan yma.

## **Foot In The Door**

Mae ein rhaglen Troed yn y Drws, a sefydlwyd yn 2016, yn gweithio gyda phartneriaid, gan gynnwys Cymdeithasau Tai, awdurdodau lleol a chanolfannau gwaith, i gysylltu pobl na fyddai efallai'n meddwl bod gyrfa ym myd ffilm yn briodol iddyn nhw â rhwydweithiau, gwybodaeth a chyfleoedd gwaith yn y diwydiannau sgrin.

Rydym yn gweithio gyda chymunedau a darparwyr addysg a hyfforddiant i ganfod a chreu cyfleoedd lleol i ddysgu a throsglwyddo sgiliau gwerthfawr fel gwaith saer, gwisgoedd, trin gwallt a choluro ar setiau cynyrchiadau ffilm a theledu yng Nghymru.

Mae ein rhaglen yn canolbwyntio ar wella cynhwysiant economaidd fel ffordd i hybu cyfranogiad ehangach yn y sector. Mae Troed yn y Drws yn cynnig cymorth bugeiliol cyflawn, gan gynnwys mynediad i fwrsariaethau i dalu am gludiant a gofal plant, a bwrsariaethau datblygu i dalu am offer a chyrsgiau i ehangu gwybodaeth a chyfleoedd i'r hyfforddeion. Rydym hefyd yn gweithio gyda phartneriaid cynhyrchu yn y diwydiant i ddeall eu hanghenion a chynorthwyo sefydliadau i ddatblygu arferion cynhwysol ymhellach.

I gael mwy o wybodaeth am Ffilm Cymru Wales a Throed yn y Drws, gweler ein gwefan a'n Hadroddiadau Blynyddol.

Caiff y prosiect hwn ei ariannu gan Lywodraeth y DU drwy Gronfa Adfywio Cymunedol y DU.

Mae Cronfa Adfywio Cymunedol y DU yn un o raglenni Llywodraeth y DU ar gyfer 2021/22. Ei nod yw cynorthwyo pobl a chymunedau mwyaf eu hangen yn y DU i beilota rhaglenni a dulliau newydd i baratoi ar gyfer Cronfa Ffyniant Gyffredin y DU. Mae'n buddsoddi mewn sgiliau, yn gymuned ac mewn



lleoedd, ac mewn busnesau lleol, ac yn cynorthwyo pobl i mewn i waith. I gael mwy o wybodaeth, ewch i'w gwefan fan yma.



UK Government  
Llywodraeth y DU

## Diagram Staffio'r Prosiect

